

# 榮河縣志

光緒七年  
修

卷之九

列女 孝婦 孝女附

卷之十

藝文 一



榮河縣志卷之九

列女

唐

薛元曖妻林氏濟南人元曖早卒林博涉五經有母儀  
令德訓其子彥國彥輔彥偉彥雲及姪據搃播並登  
進士衣冠榮之

薛蒙妻韋氏京兆人吏部侍郎溫女有壺德工屬文積

曹大家女訓行于世

元

張益妻楊氏年逾笄克修婦道勤于女工舅姑與夫相

榮河縣志

卷之九 列女

一

繼亡氏年少無他志不服華麗不食言美守節終身  
大德八年旌表學正劉元正為傳以表其節焉

明


趙立妻張氏年二十餘夫故氏具棺藏焉戚容垢面苦  
節四十一年宏治元年旌表

樊清妻吳氏年二十二夫亡誓不他適事舅姑撫孤子  
賴紡織以贍孀居三十五年節操如一正德十一年

旌表

生員馮信妻蔡氏年二十四信亡子學甫一歲氏上養

二親下育弱子守節四十九年嘉靖十四年旌表





劉遵義妻田氏年十九喪夫誓不改嫁孝事公姑教子成立卒年七十九嘉靖年間旌表

武應舉妻盧氏莊靜有女德夫病顛天願以身代度夫不起卽面誓不再離夫歿欲從之死父母勸慰得免時年二十貧無所贍寄居母家紡織自給歷四十年歿萬歷間旌表坊建縣治東今毀

蔡承紀妻潘氏年十九歲生子甫一月夫死卽自縊家人覺之救解得免誓不再適貧無所資日夜紡績上事老姑下撫幼子歷年八十貞操不二士民舉請旌表坊建邱家庄今毀

榮河縣志

卷之九

列女

二

張自立妻武氏年二十三歲生子歲餘夫死家貧父母欲改嫁之引刀自決繪夫像敬事終身年八十餘事聞旌表坊建崇坊今毀

盧國治妻潘氏夫病數年殷勤奉事無怠比夫卒氏年二十四堅操莫奪舅姑之喪葬孤子之衣食胥賴紡織供之享壽八十上聞旌表坊建崇教坊今毀

生員郭九韶妻李氏年二十夫故遺孤俊彥甫六歲氏堅志守貞勤身砥節循禮事姑和熊教子天啟四年立坊旌表後俊彥預恩薦授通渭令氏勅封孺人

郭建極妻孫氏年十七闖賊入境匿崖下穴中賊搜得



之見氏有姿色引其手氏奮力脫臂投崖死

國朝

潘印昌妻周氏年十九夫亡無子誓無他志育姪爲嗣撫養成立氏端莊淑慎內外稱賢順治初事聞上憲匾旌其閭歲給粟帛

生員聶雲翊妻李氏年十九夫卒堅心守節撫孤相朱成立爲運司庠生朱早亡又撫孤孫亦爲庠生

生員李盈院妻杜氏年二十而夫卒氏擗踊號痛誓以死殉家人嚴防之再明日防稍懈竟潛縊拯前

吳承鼎妻馬氏年十八歲生子吳繩祖甫十日而夫亡

榮河縣志

卷之九 列女

三

氏痛哭不食翁姑慰之曰汝不食子亦不能成我二人何所望氏乃勉食遂堅心守志上事翁姑下撫幼子盡孝慈之道艱苦備嘗保其遺孤至于成立順治五年士民公舉申請適兵亂未旌本縣裴給匾曰節孝流芳

潘宗文妻王氏年十五歲適宗文未二載其夫病故遺子淑源尚未逾週家徒壁立人勸其再醮氏乃矢志堅貞立誓不嫁日用皆織紡所易後遇奇荒氏採蕨以度日孝事繼姑始終不懈迄今四十五載人無間

言



范芬妻潘氏年十九歲夫故遺孤若楠未三歲姑老多病紡績以盡孝養屢遭兵荒辛苦萬狀志節靡移四  
十三年如一日也

崔氏崔日宣之女適臨晉縣張五綱順治六年氏方二十歲因逆民亂避兵高窰賊攻入欲牽之氏不受污蒙面投死百尺崖下賊衆驚走合邑痛之

此從舊縣志原文既指張五綱爲臨晉人自宜入臨晉志府志榮河列女載張五綱妻崔氏未經指張爲臨晉人豈張本居臨晉而徙于榮河耶抑崔

日宣之女本爲榮人歸于臨而死于榮也俟考

榮河縣志

卷之九 列女

四

樊養智妻陳氏年二十六歲夫卒伯強之嫁以死拒之貧無所依晝夜紡績育孤成立鄉人以爲苦節

生員樊宏允妻白氏年十九夫亡氏矢志靡他上事霜姑撫孤鶴算爲庠生鶴算有孝行見本志人物

生員張輝妻李氏年二十五而夫卒遺孤文明甫七歲家貧而姑失明氏立志堅守紡織度日上孝姑下撫

子鄉人稱其節孝兩全

生員丁繼美年老無子妾趙氏生子甫三月繼美亡氏乃矢志撫孤家業爲人侵凌舛侮叢集節不少變綿

一線宗嗣子名炳



僑童陸衍妻楊氏衍被溺死氏年十七有遺腹生子立志守之誓不再適姑又失明氏竭力奉養歷四十餘年艱辛備嘗

崔汝寬年老無子妾王氏懷孕七月寬亡執夫之喪悲悼欲死以有娠未忍卽殉生子呈胤氏方一十九歲堅守苦節數遭天荒萬死一生卒綿夫祀

潘毓麟繼妻郭氏年二十餘歲夫死誓不再醮前妻有子衍渭氏撫若已出氏盡慈渭盡孝三十年間持身端謹御家寬厚鄉人稱其門節孝兩全

生員丁夢弼妻茹氏夫亡氏年二十三歲欲以死殉有榮河縣志

卷之九 列女

五

子起鵬未離襁抱氏矢志守節子已成立孫亦傑出合族咸稱其賢

儒士陳嘉謨妻韓氏夫故氏欲從死父母慰解之乃守節撫幼子晝夜紡績以糊口待子素成立合里連名公舉旌之

侍郎李嵩妾林氏公疾劇氏卽絕粒公卒氏于公柩旁自縊死時年二十五歲

生員郭侯垣妻張氏年十六歲夫亡截髮自誓事後姑以孝稱年七十餘卒乾隆三年旌

薛如蘭妻王氏二十五歲而寡家貧剪髮矢無二志或



至再日不食不爲恨也乾隆四年旌

監生潘德涵妻聶氏年二十二夫亡守志撫子善德及長爲娶趙氏已而善德夭趙始十九復爲未亡人姑婦相倚婺居聶氏常孝于其姑趙又能繼聶奉侍不離其側乾隆五年旌

盧安仁妻郭氏年二十五而喪夫家貧姑老遺孤尚在乳哺氏矢志養姑撫子子卒成立孫曾繁衍皆克家焉壽八十有七乾隆十年旌

武燕彩妻楊氏年二十寡居家貧子幼姑早逝與諸叔

同居黜華麗勤織紡夜之膏油以藁艸代有私財卽

榮河縣志

卷之九 列女

六

出置田產俟諸叔成立均分焉教子尚嚴農隙卽訓讀後家稍裕令諸孫專力攻書將卒諄諄以子孫毋廢讀書婦女毋廢織紡爲囑乾隆五年旌

王端妻尉氏十八而寡家貧子幼能孝奉舅姑撫子成立終身不變乾隆七年旌

生員范衛彥妻李氏年十九夫亡其姑欲嫁之自折其齒以誓有列女風乾隆七年旌是歲與李氏同旌者

有潘河榮妻楊氏 高正妻馮氏 范圃林妻陳氏

陳與楊俱甚小其父母欲使改適皆誓不肯從與馮

氏三人食貧自守以事舅姑生養死葬並出紡績之



勤所累致者

王治民妻崔氏年十九守節治民事父母素孝其亡也  
父哭甚痛崔自能終身以遂治民養親之志里人聞  
其行爲之感動乾隆八年旌

潘侶嵩妻李氏年二十五夫死父欲奪其志刺面毀容  
以示不二忍寒餓以撫孤子乾隆十二年旌 生員

范雯妻于氏 民竹大建妻蔡氏志行與李畧同又  
崔有年妻盧氏者二十而寡事姑極謹衣不整不敢  
見也其姑年九十餘盧能先意善承之是三人者請  
旌于朝在乾隆十一年

榮河縣志

卷之九 列女

武成起妻高氏稜時年二十三執節 不以貧苦爲  
嫌勤勞紡績以長其子月所爲布成匹有數以之出  
市里人呼爲月布云母家在夏縣親死無子往奉其  
柩于榮河而葬焉歿年八十有七初宗族鄉人憫其  
苦節欲聞于官請表之堅不聽乃止

柴宏寬妻張氏 張崇妻武氏 王若義妻竹氏夫並

早卒武氏爲後姑所逼欲令之去則以死拒之張亦  
毀容矢節以謝舅姑值年饑紡績供養夜無膏油以  
藁代之竹夫將死以貧不能存語竹携子他適竹甘  
忍餓卒不改也



李氏例貢趙雲騰妻年二十夫歿子在抱前房子亦穉舅姑早世氏一身撫兩孤愛前子過於其子人訝之答曰少子僅無父前子並無母吾安忍不加厚後前子亦夭氏哀痛欲絕媳武氏苦節守貞克嗣徽音鄉人區其門曰一門雙節

吳氏舉人武錫瑄妻十六歲于歸閱五年夫歿無出以姪長淵爲嗣延師課讀督勸不少貧淵弱冠入庠尋天又撫淵子成立苦節四十餘年卒同治六年旌表潘氏周元元妻年十九寡子金茂娶潘氏無出天氏持家內外嚴明無故不與鄰里往來媳矢志柏舟奉姑榮河縣志

卷之九 列女續

八

尤謹四十餘載無閒言後氏終媳哀毀成疾越六日亦歿鄉里哀之匾其門曰節孝雙徽張氏王桃桂妻年二十九夫亡繼姑長氏五齡氏事之謹嘗勸姑勿勞每食必奉盤匱與姑同床四十餘載年七十往返母家猶必詢時日姑感其孝嘗謂氏曰吾將與汝偕歸地下後氏八旬卒明日姑無疾亦逝人以爲慈孝相感云

李氏郭三恩妻早寡子甫免懷氏誓不再醮翁姑甚憐之家漸落昆弟異爨翁願就氏養氏自食粗糲而以甘旨奉親翁歿殯葬悉如禮苦節四十餘年

李氏馬克寬妻年十九寡子永祥在抱氏堅貞自守永祥娶蔡氏舉一男卽棄世媳年二十二欲絕粒以殉氏泣諭曰馬門兩世夭折今幸留一塊肉我老汝又死誰撫此呱呱乎媳意解撫孤成立備歷艱辛一門雙節遠邇著聞

劉氏王致禮妻靜守閨門足不出閫年十八夫故每欲從夫地下母與姑防護維密志不得伸憤鬱成疾而卒時年二十

茹氏周舉子妻夫故無子年二十矢死靡他姑臥病牀褥嘗祝天乞代左右扶持數載如一日苦節五十二

樂河縣志

卷之九 列女續

九

年卒

汪氏王盛義妻于歸後越五年盛義亡家拮据幾至日不給餐氏晝勤針黹夜紡績恆不就寢間有言甘暗奉姑不令兒知現年六十有四

張氏王節勞妻二十五歲寡子數齡妯娌微悍諷以再醮氏泣曰姑老子幼棄而他適何顏立於人世遂獨任操作事姑敬嫂毫無失禮歿年七十有一

廉氏周繼成妻于歸後姑多病氏扶持抑搔進湯藥未嘗刻離二十五歲夫亡貲產微薄勤鍼黹惡衣服課子耕讀家計漸饒苦節四十六年卒



武氏王道平妻年二十一夫亡堪輿相地氏泣對姑曰  
早定兩穴以成媳願其姑且泣且喜未敢深信後果  
冰心霜操苦節六十一年卒同治六年旌表

吳復興妻某氏籍屬外鄉幼養於夫家合卺後夫亡夫  
兄貪厚值令其轉適氏矢志不搖強逼之飲毒待斃  
或欲解以藥聞腹內裂腸聲問曰汝悔不氏曰婦人  
再醮不如速死之爲愈何悔焉莫吾救也尋卒

楊氏孫德元妻克誠之母也二十二歲夫亡矢志守節  
始終無玷克誠妻聶氏亦二十五歲寡上事孀姑下  
教幼子不負楊氏之志鄉里稱爲一門雙節

榮河縣志

卷之九 列女續

十

郭氏樊桂嶺妻河南鄆城人也桂嶺少從父客鄆頗有  
微貲娶氏生二女父臨終囑曰我榮人也故土難忘  
未幾桂嶺亦歿氏年二十有六欲昇輓旋里其母謂  
曰榮河在千里外汝家又鮮兄弟生計亦艱歸何容  
易且汝未育一男老無所恃吾卽忍割愛汝應不自  
計乎氏泣曰兒爲樊家婦令父子骸骨永厝於此異  
日泉壤下何顏見翁與夫乎乃寄函從堂弟某來鄆  
扶持靈柩携二女跋涉西返抵家如禮安葬擇姪爲  
嗣後貧甚日惟一餐茹苦含辛終無怨色現年六十

九歲



程氏潘剛穩妻年二十二寡夫昆季久異爨歲大祲姑  
售其贍老田殆盡昆季漠不關心氏泣曰媳卽餓死  
何忍令老母受饑卽將田產粧奩陸續易粟以奉高  
堂姑賴以存活方救母時拮据萬狀未嘗一援昆季  
荒歲後赤貧如洗紡績度日毫無怨言現年五十有

四

楊氏張登魁妻沉靜寡言年二十餘夫病不起執手與  
氏訣曰子女雖無二親在堂奈何氏泣曰君勿言妾  
誌之矣後孀居去華飾暗地飲泣見舅姑復破涕爲  
笑以胞姪爲嗣養親教子極盡孝慈後二親繼歿殯  
葬如禮守節三十年疾劇謂家人曰今可以見良人  
於地下矣遂卒

樂河縣志

卷之九

列女續

十一

崔氏暢永壽妻年十八夫亡撫姪爲子及長亦不永年  
留女三齡媳他適氏教養女孫煩勞弗憚初伯嫂欲  
奪其志氏卽與分爨數十年備歷艱辛始終不易村  
人贈一匾曰志堅金石

牛氏周穩邦妻年十七于歸旬日夫卽遠遊無方氏淡  
粧蔬食恪守婦道人或勸他適氏守志彌堅家漸落  
昆季析業氏拮据事親無失禮後以姪爲嗣無疾而  
逝時年七十有一



竹氏楊映娃妻年二十三寡子幼事孀姑極孝敬姑歿  
兄嫂繼亡留二姪俱幼家貧氏辛苦自勵教以勤儉  
後稍裕姪欲分爨氏曰兩姪一子宜遵三分眾皆稱  
其讓德卒年六十有七

張氏范雨滂妻年二十二寡家貧子幼無翁姑可依氏  
謀生撫孤艱辛備歷子成立亦善承母意勤儉端方  
咸以爲苦節之報云

丁氏李林祥妻于歸後入載夫故無子勵志守節撫姪  
爲嗣教養備至姪旋歿又撫孫成立顛危困苦萬變  
不渝歷五十二年卒鄉里共勒節孝碑

榮河縣志

卷之九 列女續

十一

樊震庚妻某氏年二十八夫亡無子氏晝夜號泣臨葬  
投穴不得歸卽自縊爲姊妹救免復絕粒卒

郭氏蔡張中妻年二十七寡子三齡女匝月隻身撫孤  
拮据萬狀後兒未及冠天女甫適人亦亡挫磨摧折  
人皆痛心而氏操愈堅尋繼族姪爲嗣教養成立苦  
節三十八年卒

楊氏王引明妻三十三歲夫故撫姪爲子專尊章惟謹  
小叔甫數齡姑愛憐之氏體姑意愛如掌珠小叔亦  
依戀如母翁姑姊妹叔姪一堂雍睦皆飲氏之德也  
鄉人製匾頌之



謝氏孫澇澇妻年十九寡一子未彌月氏襁褓撫育誓死以守夫兄弟相繼亡妯娌皆他適翁姑衰老氏紡織奉親勤儉教子備嘗艱苦歷五十餘年而卒

楊氏周繼茂妻茂於昆季最幼亡時氏年二十三無出矢志靡他凡井臼中饋事不分勞諸嫂倍加敬焉以故妯娌和睦子姪孝敬鄉里皆善其家規

徐氏李佩元妻年二十五夫亡姑老子幼紡績度日有富室某慕氏賢以財動之氏曰貧窮天定人何能爲況薄命人久不作富厚想也遂却之守節三十八年

量卒

樂河縣志

卷之九 列女續

三

聶氏王蘭家妻蘭家早世生遺腹子際庚氏年方十九翁姑懼有奪志者氏泣曰皤皤在堂呱呱在抱媳卽拮据從事尙慮弗逮敢有他志耶翁姑乃釋然際庚出就傅氏督課極嚴弱冠入泮娶媳張氏舉一男夫妻先後亡家貧氏撫孫養親衣食器用半出女工歲大祿待哺嗷嗷闔家困斃聞者莫不悲嘆同治六年旌表

王氏閭肯構妻早寡無子舅姑夫兄皆棄世嫂欲逼嫁氏念寡嫂不容難與久居詣夫墓側痛哭哀動道路歸自經人稱曰巾幗鐵漢



李氏李黑子母年二十五夫亡痛不欲生或勸曰姑老子幼家貧夫之事皆子之事倘事畜無人夫不瞑目子心安乎氏意解主持家政內外無閒後姑終子女成立慨然曰吾事畢矣閉戶投繯而歿

張氏李作楫妻二十三歲夫歿子週歲家貧如洗姑令改適氏誓不從操井曰勤織紡生養死葬無失禮後子生孫亦病亡氏又撫孫成立境苦節堅鄉人賢之魏氏衛振漢妻年三十三夫亡生遺腹子立志守節克盡孝慈人無閒言苦節七十四年壽九十二歲同治六年旌表

樂河縣志

卷之九

列女續

古

薛氏李九恒妻年二十二寡子僅周歲氏事姑撫孤冰霜獨操母家寒素氏迎養之事葬盡禮後孫安善以輸軍餉爲氏請三品封典同治六年旌表  
暢氏范毓信妻夫亡子幼半菽不給氏織紡度日翁入旬有五病痿痺左右扶持閱六寒暑無少懈族戚賢之

之

聶氏李願管母年二十九夫亡姑垂暮子甫數月家貧賴織紡奉親後姑沒子亦夭氏泣曰未亡人所以苟延殘喘者欲爲李門延一綫耳今若此復何望哉遂自縊壽六十六歲



葉氏孫程程妻二十四歲夫歿無子翁亦繼亡家無立  
錐氏奉孀姑勤織紉辛苦備嘗雖餽粥不給而節操  
愈堅年六十四卒

陳氏李高管妻于歸後夫性愚蠢不解人事氏處之泰  
然後夫夭或謂日以子才貌今可以遂志矣氏泣曰  
吾命不猶人志安敢猶人哉毀容斷髮誓死以守苦  
節六十餘年卒

薛氏衛四娃妻年十七于歸甫十日夫客外彌月而亡  
氏矢志靡他撫姪若子孝養舅姑和睦妯娌畧無閒  
言守節三十五年同治六年旌表

榮河縣志

卷之九

列女續

五

范氏李大猷妻年二十夫亡無子擇姪爲嗣未幾亦夭  
又立族姪翁姑垂白氏上事下撫兩餐悉從十指出  
邑人勒碑以彰苦節

蔡氏楊鳳來妻年二十五寡子甫六月翁亦棄世氏事  
繼姑奉盤匱共寢食無少拂意姑媳相得如母女然  
後姑亡如禮殯葬鄉人稱其有婦德

暢氏李興和妻年三十三寡無子夫兄慮其變志葬後  
氏竟以承祧商兄欣然曰能如是是吾心也卽以  
子毓蘭嗣弟時方歲餘氏愛養如己出及束髮受書  
氏每夜績伴讀守節二十餘年彌留際謂其子曰吾



不願以旌表顯但期汝上達得沐 恩誥吾榮多矣  
毓蘭現食廩餼庠序蜚聲

謝氏薛志用妻早寡姑老子幼日不給餐以布易粟夜  
績乏膏油每隨月光轉移雖嚴寒不避後家道小康  
壽八十五歲

李氏王澤民妻子歸後姑亡遺一女未週歲氏撫愛如  
己出俾克有家澤民旋歿子席珍甫三齡氏苦節撫  
孤延師嚴課不少假辭色席珍後補邑庠食廩餼

尋氏毋宗慶繼室年十七于歸時宗慶病癱臥牀不能  
轉側氏扶持保護毫無怨意越二載宗慶故氏秉膏

榮河縣志

卷之九

列女續

七

沐除華飾株守閨門鄰里罕識其面事舅姑尤謹撫  
前房子如己出貞靜賢明巾幗中完人也現年五十  
有八

李氏謝小闖妻年二十三夫亡撫姪爲嗣家貧菽水不  
給鄰有諷以他適者氏輒拒之勤女紅奉姑養子子  
成立客外失耗氏每念及潸然淚下苦節三十餘年  
卒

王氏李凌烟妻年十八夫亡悲悼不欲生翁姑聞氏有  
娠慰之曰癡媳何至此一旦呱呱者在抱克家承祀  
我兩人爲榮多矣氏泣從之未幾舉一男遂去華飾



勤紡織奉親撫孤艱苦備嘗聞者莫不嘆息  
蘇氏生員范應霖妻早寡無出翁姑憐其年穉令嫁之  
氏泣誓弗從遂以兄子爲嗣姑多病氏奉湯藥不親  
嘗不進及病劇與共一枕聞呻吟輒起摩挲詢所以  
年三十九卒

嚴氏王性溫妻二十一歲寡事翁姑克盡婦道娣姒五  
人親睦無閒撫孤建功愛而能勞稍長責以大義俾  
力學成名後建功有罄庠序友愛昆季睦鄰恤族賑  
饑勤公皆母教也歿年六十六同治六年旌表

梁氏李小吉妻早寡姑老家徒四壁氏丐以奉姑擇其

榮河縣志

卷之九 列女續

七

美者進之十餘年如一日後大禡乞食艱難氏餒極  
神昏勉強爲姑沸湯湯甫進而氏氣絕

謝氏王根道妻早寡子幼舅姑衰殘朝不給夕氏晝備  
針黹紡績聲恒終夜不輟姑呵止之氏曰勿憐媳勞  
一家四口非此無以養生媳有餘力勞何害後舅姑  
歿竭力經營喪葬盡哀人以爲根道不死云

茹氏舉人王守圭妻幼有介節言笑不苟年十七歸守  
圭翁亡事繼姑曲盡孝心夫偶失歡於姑氏卽長跪  
請罪姑顏解始去同治戊辰守圭携眷北上館於京  
次年病故氏痛不欲生旋念夫無子樞終難歸勉強



諫南轅計同鄉官哀其窮憫其節仗義鳩貲始得抵家如禮殯葬畢語及門曰汝師墓碣事吾付汝輩尋仰藥自盡從夫地下時年三十有六光緒五年旌表孫氏王培桓妻年三十寡事舅姑無少拂意喜讀書家中不中貲嘗典衣物購羣書厚束修延師課子以故少子世昌補邑弟子員兒有出外拾金者歸白氏氏令勿動後失主尋覓亟付之臨終氣息奄奄猶囑無廢耕讀云

周氏生員樊子庚妻性貞淑事翁姑曲意承歡子庚故氏年二十八矢志守節怨尤不形嘗篝燈課子紡績聲與書聲相應輒至夜分不輟率諸媳事親井井有法子雲岫現登賢書人謂孝德所致光緒五年旌表現年六十五歲

周氏張鸞翼妻早寡無出事翁姑孝夫弟忠仁幼氏保抱攜持見者忘其爲小叔忠仁授室甫生子氏欣然曰吾夫瞑目矣遂議爲嗣勤內政撫孤成立苦節四十餘年卒

屈氏張智義妻于歸後夫病瘋癲委曲承順無含怒意夫卒氏年二十六繼姪爲嗣盡孝慈尸婚祭白首無

怨言

樂河縣志

卷之九 列女續

六

張問行妻潘氏年二十夫故未幾歸甯詢其父曰世間  
夫婦泉下便分離乎答云烏有是氏默然越數日抵  
家自經

張氏傳河水妻年十八寡無子家貧姑老紡績度日每  
飯擇精細者奉姑自啜糠粃雖凍餒弗怨歿後鄰里  
憐其苦節醵錢以葬

潘氏王兩換妻年十七孀居無嗣有勸其再醮者輒正  
色拒之家中落與諸姪同爨擇一嗣夫麤衣疏食淡  
泊終身里人額匾嘉之

潘氏廩生武茂本妻性溫柔翁姑前無缺禮年二十八  
榮河縣志

卷之九

列女續

七

夫亡家貧令兒繼書香嘗晝夜操作以佐讀雖鬻首  
飾衣物亦弗恤子弱冠游泮旋天媳薛氏抑鬱成疾  
卒人稱一門雙節

范氏李貴臣妻年二十四寡翁病癱奉侍左右不少懈  
子旋天以姪承祧勤女紅庀家事苦節三十三年卒  
潘氏廬成娃妻年二十三寡嗣姪視若己出家貧姑多  
病氏晨織夕紡以供湯藥終年拮据毫無怨意後姑  
歿營葬如禮苦節四十餘年卒

郭氏王眼樂妻年十八眼樂外出失耗問氏自食其力  
毫無異志或難以年少無子氏泣誓謝之年五十四



值大祲坐斃荒廬里人哀而葬之

茹氏傳鳳羽妻年二十三夫亡哀慟欲絕姑老子幼氏勤織紡務節儉以供事畜子有過必責罰不以慈廢嚴姑歿竭蹶襄葬事年六十餘同治六年旌表

郭采芹妻武氏早寡賦性溫柔繼姑嚴奉侍惟謹和妯娌教養幼孤內外無閒言同治六年旌表

孝婦附

姚氏尋鑾焯之側室事家長及嫡室柔順和婉而血性過人鑾焯向有痰疾一日疾劇忽暈去家人倉皇驚

悸擬料理後事氏默禱竈神前乞以身代割左股煎

樂河縣志

卷之九 列女續

辛

藥以進甫下咽卽醒病遂瘳生二子卒年三十二

孫氏薛惟勤妻于歸後祖姑病目四體不仁氏隨姑侍疾凡飲食起居澣濯櫛沐俱先意承志不刻難不稍懈已姑歿翁復病氏以一人扶持兩牀藥鼎茶鑪不斷晨昏翁或以惡聲相加無忤容如是者十餘年祖姑嘗語人曰吾老矣無以報若婦惟祝若婦娶媳亦如若婦而已

余氏余衛城女未笄時衛城病思肉苦無所得女暗剖左臂一塊啖之尋愈後見女臂上瘡痕問之告以故

衛城爲之潛然

王 宴妻陳氏

黃 瓚妻謝氏

黃秉仁妻趙氏

陸 進妻潘氏

潘逢浪妻武氏

郭維新妻茹氏

張自儉妻潘氏

薛自蘭妻王氏

王鴻薦妻張氏

張廷珍妻蔡氏

樊 焯妻聶氏

吳作聖妻樊氏

郭鳳棲妻趙氏

郭運周妻潘氏

郭翰畿妻王氏

王維基妻閻氏

李九泰妻薛氏

乾隆六年旌

王庚戌妻謝氏

乾隆七年旌

樊 梗妻王氏

孫秉直妻竹氏

乾隆八年旌

滎河縣志

卷之九 列女續

三

陳九有妻閻氏

陳建基妻王氏

乾隆九年旌

員生 潘大檀妻武氏

楊維濬妻王氏

乾隆十年旌

王 炫妻張氏

黃君壽妻蔡氏

武新政妻樊氏

乾隆十一年旌

茹秉禮妻張氏

張多載妻薛氏

樊培洛妻郭氏

乾隆十三年旌

員生 李 拱妻聶氏

李士珍妻黎氏

李 仰妻高氏

薛惟濬妻郭氏

李天壽妻周氏

柴民治妻賈氏

薛九盛妻王氏

郝連節妻王氏

員生 茹甫繼妻馬氏

王昌祚妻李氏



員生 吳作聖妻樊氏

李 林妻王氏

白繼祖妻樊氏

李天嘉妻孫氏

余文元妻王氏 上乾隆中旌

楊考政妻吳氏

潘 醇妻郭氏

李始昇妻潘氏

潘叶坎妻武氏

增 武邦彥妻王氏

潘凝來妻李氏

李青發妻黎氏 上道光中旌

茹邦成妻丁氏

茹騰甲妻丁氏

王重賢妻成氏

王登魁妻楊氏

孫丕作妻李氏

柴發春妻樊氏

王國棟妻尋氏

薛 燦妻潘氏

滎河縣志

卷之九 列女續

三

茹仕進妻弋氏

楊文功妻王氏

孫萬有妻張氏

潘士孝妻李氏

薛 任妻李氏

潘自孝妻崔氏

者 郭嘉星妻王氏

張有才妻潘氏

員生 薛 煒妻徐氏

武舉 張鵬翼妻潘氏

廩生 聶守和妻王氏

監生 郭肇墉妻潘氏

增 姚澤潤妻潘氏

茹克敬妻丁氏

茹克敏妻丁氏

林遵義妻李氏

武生 王萬清妻汪氏

潘學海妻張氏

薛各吉妻孫氏

程恆泰妻王氏

薛開界妻張氏

程吉祥妻武氏

武生郭道輝妻潘氏

生員潘建塘妻郭氏

楊文成妻郭氏

生監潘永錫妻穆氏

薛景鵬妻樊氏

郝懷仁妻薛氏

樊賜麟妻聶氏

樊興基妻孫氏

潘方潔妻邱氏

潘修德妻崔氏

人舉李中明妻郭氏

李守矩妻王氏

王剛妻武氏

謝壽年妻崔氏

衛起鳳妻呂氏

孫永貴妻李氏

王儉妻范氏

聶開國妻張氏

梁河縣志

卷之九列女續

三

武占科妻謝氏

衛開源妻劉氏

毋伐桂妻韓氏

郭邦成妻王氏

王徐命妻張氏

李戊戌妻喬氏

潘崇道妻王氏

閻立發妻薛氏

武扶倫妻潘氏

生監楊雙金妻牛氏

李寅娃妻馮氏

余倡元妻趙氏

柴丙第妻王氏

呂志清妻薛氏

呂諧律妻李氏

呂志學妻柴氏

潘錫成妻李氏

呂九蘭妻王氏

李探元妻聶氏

呂復智妻賀氏



劉可有妻呂氏

李夢輝妻薛氏

李泰用妻孫氏

陳煥妻王氏

郭步清妻卞氏

崔盛魁妻王氏

陳眼道妻孫氏

張河榮妻章氏

呂振海妻張氏

李源妻吳氏

李聚財妻孫氏

閻有恆妻裴氏

李隨中妻仵氏

郭盛學妻周氏

張慶昇妻沈氏

聶明德妻薛氏

李澤妻陳氏

潘貞喜妻王氏

孫青山妻謝氏

李逢昌妻薛氏

樂河縣志

卷之九

列女續

五

潘能訓妻張氏

潘春雲妻王氏

王炳憲妻賈氏

孫祥麟妻遜氏

周肇晏妻潘氏

王廷樞妻余氏

張申妻師氏

潘戎娃妻盧氏

樊小裔妻呂氏

范徐順妻李氏

潘克友妻李氏

潘宗閔妻李氏

盧澍望妻崔氏

暢凌河妻吳氏

暢于心妻牛氏

李三聘妻薛氏

陳國治妻李氏

潘若拙妻張氏

周不漢妻王氏

潘士河妻穆氏

李 坤妻季氏

周鶴齡妻關氏

閻履道妻范氏

生員 裴如愚妻張氏

裴師善妻林氏

李丙寅妻裴氏

柴廷筆妻聶氏

秦漢書妻裴氏

裴永祥妻趙氏

監生 劉炳堃妻林氏

王 興妻孫氏

馮盛銀妻郭氏

郭春祥妻王氏

賓者 郭清源妻李氏

高士宏妻崔氏

孫 鐸妻王氏

郭天輔妻潘氏

潘作雲妻黃氏

生員 武長淵妻張氏

李五桂妻季氏

榮河縣志

卷之九 列女績

五

王登璧妻楊氏

上同治六年旌

潘克升繼妻趙氏

范際雲妻暢氏

潘克純妻李氏

王國隆妻周氏

潘繼臣妻黃氏

謝菁莪妻李氏

武長清妻韓氏

郭錫祿妻堯氏

謝 待妻李氏

徐履青妻薛氏

薛發吉妻孫氏

徐履道妻李氏

薛自開妻吳氏

張武英妻李氏

聶有才妻裴氏

李理正妻暢氏

李 森妻樊氏

李在老妻暢氏

潘樹本妻薛氏



潘爾德妻某氏

盧世仁妻某氏

武修麟妻某氏

張 橋妻某氏

武新京妻某氏

李恆月妻某氏

楊德嘉妻范氏

范 隆妻楊氏

楊有茂妻某氏

陳三淡妻王氏

李 洽妻某氏

薛建勳妻丁氏

上同治十二年旌

竹文召妻薛氏

楊李蘭妻孫氏

謝立孝妻

陳李氏

楊羊娃妻王氏

趙作瑞妻范氏

余 平妻關氏

楊五喬妻樊氏

張 才妻薛氏

樂河縣志

卷之九 列女續

三

柴三英妻尋氏

楊敦倫妻閻氏

周鶴齡妻關氏

楊鎖成妻王氏

賈登雲妻楊氏

王永祿妻咎氏

焦國端妻李氏

張三強妻薛氏

李 瑜妻杜氏

柴時傑妻潘氏

李 煥妻李氏

潘光奎妻李氏

張根漢妻范氏

李大亨妻吳氏

暢掄翰妻王氏

王金子妻陳氏

暢德吉妻楊氏

沈一萬妻樊氏

曹 倉妻裴氏

暢世清妻王氏

楊長娃妻余氏

暢閏月妻范氏

王穆穆妻某氏

李林相妻武氏

暢四夢妻范氏

劉元成妻陸氏

李中康母趙氏

李恆德妻潘氏

薛五盛妻張氏

楊成學妻張氏

李佩芳母某氏

周文發妻孫氏

周福綏妻張氏

衛根泰妻郝氏

樊挑子妻王氏

王紅立妻樊氏

喬森妻趙氏

李紅紅妻王氏

暢常興妻潘氏

薛辛娃妻張氏

榮河縣志

卷之九

列女續

七

孫貞元妻趙氏

王起陳母某氏

樊丕業妻段氏

王杜娃妻汪氏

王穩子妻汪氏

張問達妻吳氏

王際太妻劉氏

張天錫妻王氏

楊繼敦妻馬氏

潘鍾德妻邱氏

王俊清妻周氏

潘更換妻張氏

崔盛魁妻潘氏

樊縣考妻王氏

楊景蘭妻郭氏

曹明吉妻孫氏

李林祥妻潘氏

李根飛妻邱氏

劉黑牛妻張氏

樊銀德妻王氏



李徐貴妻張氏

郭方烈繼妻潘氏

潘和來妻武氏

郭天吉妻王氏

謝恩洽妻高氏

伍妻樊氏

王勞妻尋氏

謝迎康妻王氏

牛文妻薛氏

潘世任妻崔氏

楊建基妻吳氏

謝三晉妻李氏

牛丑樣妻吳氏

李從元妻趙氏

謝迎旺妻樊氏

牛世儀妻樊氏

王林生妻潘氏

牛雙德妻李氏

王萬齡妻焦氏

薛正新妻王氏

柴河縣志

卷之九

列女續

三

王訓召妻薛氏

李清元妻王氏

上數十人  
現擬旌表

陳三淡妻王氏

係同治十  
二年旌補遺

劉向之傳列女也取其巾幗而有士行者不專取

節烈范史著列女傳首列鮑宣王霸妻不必皆如

曹世叔袁隗之妻也自後世巾幗以士行聞者絕

少於是幽貞自矢以身殉節者咸得旌彰焉唐薛

元曖妻林氏薛蒙妻韋氏通志載八列女而府志

遺之余特為採入以冠列女之首其他節烈有卓

卓可考者為條著其行事無考者為總列其姓氏

云

榮河縣志卷之十

藝文一

漢武帝元封四年赦賜詔

朕躬祭后土祇見光集於靈壇一夜三燭幸中都宮殿上見光其赦汾陰夏陽中都死罪以下賜三縣及楊氏皆無出今年租賦

漢武帝元封六年赦賜詔

朕禮首山昆田出珍物化或為黃金祭后土神光三燭其赦汾陰殊死以下賜天下貧民布帛人一匹

漢武帝太初二年赦詔

榮河縣志

卷之十 藝文

一

朕用事介山祭后土皆有光應其赦汾陰安邑殊死以

下

漢宣帝神爵元年改元詔

朕承宗廟戰戰栗惟萬事統未燭厥理迺元康四年嘉穀元稷降於郡國神爵仍集金芝九莖產於函德殿銅池中九真獻奇獸南郡獲白虎威鳳為寶朕之不明震於珍物飭躬齋精祈為百姓東濟大河天氣清靜神魚舞河幸萬歲宮神爵翔集朕之不德懼不能任其以五年為神爵元年賜天下勤事吏爵二級女子百戶牛酒鰥寡孤獨高年帛所賑貸物勿收行所過毋出田租



漢公卿尊寶鼎議

聞昔泰帝興神鼎一者壹統天地萬物所繫終也黃  
帝作寶鼎三象天地人禹收九牧之金鑄九鼎皆嘗亨  
馥上帝鬼神遭聖則興鼎遷於夏商周德衰宋之社亡  
鼎乃淪沒伏而不見頌云自堂徂基自羊徂牛鼉鼎及  
鼉不吳不鷲胡考之休今鼎至甘泉光閭龍變承休無  
疆合茲中山有黃白雲降蓋若獸爲符路弓乘矢集獲  
壇下報祠大享唯受命而帝者心知其意而合德焉鼎  
宜見於祖禰藏於帝廷以合明應

漢吾邱壽王漢鼎對

榮河縣志

卷之十 藝文

二

臣聞周德始乎后稷長於公劉大於太王成於文武顯  
於周公德澤上昭天下漏泉無所不通上天報應鼎爲  
周出故名曰周鼎今漢自高祖繼周亦昭德顯行布恩  
施惠六合和同至於陛下恢廓祖業功德愈盛天瑞並  
至珍祥畢見昔秦始皇親出鼎於彭城而不能得天祚  
有德而寶鼎自出此天之所以與漢廼漢鼎非周鼎也

唐中宗授薛稷諫議大夫制

勅具官薛稷奕代雄詞身濟其美光明雅量士慕其風  
故能懸帳絕倫升堂觀輿掖垣密勿字列黃縑仙闕從  
容文飛赤管箴闕之任惟賢是擇俾登才子式寵諫臣



可諫議大夫餘如故

唐睿宗授薛稷中書侍郎制

門下慶傳於家者代濟其美才許於國者時無與讓由是密勿爲用許謨所歸具官薛稷河汾之陰廊廟之寶相門前社則名優作誥詞場舊業則譽動飛文貞性成仁 and 道勝物坦然之量羣物不干其靜穆如之風九流不測其度頃罹多難克仗嘉謀翼戴朕躬保寧王室厥功茂矣朝廷賴焉俾廻踐於綸闈以增輝於鼎席可行中書侍郎餘如故

唐元宗祠汾陰后土碑

榮河縣志

卷之十 藝文

三

古之王者皆受天命禮樂有權神祇是主郊兆所設雖定於厥居精靈所感則通乎變化大匠歸正旁行不流惟創制者爲能之亦安在守文而已睢上祠者本魏地郊邱之舊而漢家后土之宮汾水合河梁山對麓地形堆阜天然詭異隆崛岉而特起忽盤紆而陡絕景象相傳胙蠻如在有物不可以終否有典不可以遂廢故推而行之歲在癸亥始有事於茲焉在昔后王時邁省方柴燎告至幽隱胥洎大舜則五載一巡武帝則三歲一祭今時代丕變人神禮煩朕就爲損益所以法度一紀再駕亦無闕焉二十年冬勒兵逾萬騎旌旗亘千里校



獵上黨至於太原赫威戎於朔陲沛展義於南夏肆覲羣后道有以大備懷柔百神文無而咸秩先是司宿設恪敬乃事已未師頓於齋宮庚申親祀於后祇聖考在天侑而作主何禮不舉靡神不徧往者漢氏之祠也牲以養牛五歲爾粟無所責其誠藉以采席六重藁秸不得尙其質事與古反義不經見朕因其地而不因其儀取其得而不取其失凡牲幣法物之事歌舞接神之類咨故魯於方澤不遂過於元鼎此皆公卿大夫鴻生鉅儒獻其方聞匡於不逮朕何有也且王者事天明事地察示其本教以孝奈何郊邱之禮猶獨以祈穀爲名

榮河縣志

卷之十

藝文

四

者邪於戲享於至誠錫以繁祉黃雲蓋於神鼎絳光燭於靈壇自昔已然乃今復見斯固陰精有所寓實氣爲不誣雖寂寥而不動亦動之而斯應顧朕之不德靈感何從賴累聖儲祉福流所致乃青災肆赦與物更始大賚天下有慶兆人山川鬼神鳥獸魚鼈莫不允若莫不咸寧此所以仰覆載報生殖資元元虔翼翼豈與夫封禪有牒專在求僊秘祝有辭密於移過而已銘曰  
至哉坤元萬物資生王者母事德合天明義有大報用協永貞茫茫九土思索其精困天事天因地事地彼汾之曲高旌傑異景象遺光壇場舊位寂寥千祀精靈長



闕謬神不祥復古維祺文所無者秩而祭之矧曰后土  
昔載明祠何必因殷乃爲我師意多漢武跡在橫汾風  
流可接簫鼓如聞壽官創制神鼎勒勲古往今來豈無  
斯文

唐徐季鴿薛僅善政碑

開元二十年有勅將幸太原重巡潞藩上顧謂侍中裴  
光庭先擇才能俾宿儲供公以左拾遺膺是選也潞州  
八邑屬時不稔上下克辦實多宏益朝廷稱之公名僅  
字冲用漢御史大夫廣漢之後以儒術學業遂登三公  
宜言諫諍退官終寵其後自沛居河代有丕烈公七代

滎河縣志

卷之十 藝文

五

祖辨後魏侍中汾陰武侯六代祖謙中書令涪陵元公  
英武忠肅魏書有傳曾祖範隋本州州都皇朝峽州刺  
史祖文度曹州刺史父元儉溧陽鄆二縣令光州司馬  
並政理清白見重於時公受天正性承家具美敦龐重  
樸負經濟大才優閒江海紫薇令姚公黃門監盧公特  
奏有學有文身材拔萃起家授洪洞尉刺史蕭瑗許以  
公輔之器羽林大將軍楊敬述持節河西以才畧奏請  
克管記秩滿授江南丞長史王易從李朝隱以公清正  
直攝江陽江都海陵三縣令中丞宇文融殿中侍御史  
咸異業並引爲判官狀稱循吏畏而破膽羣萌飲惠以



息肩奏才學惟高公清特立公操斧則伐拂鐘無聲淮  
海之間義風一變會有制命舉才高未達沉跡下寮宏  
詞博識至公從正者上御紫宸殿親試親考入拜獻替  
之司正議鯁詞多所獻納御史大夫李朝隱屢有推薦  
竟無升擢及公之出宰也以擅美對揚推能撫字將化  
風俗且辭掖垣議者爲屈公無愠色躬親庶務朝夕勤  
勞寒者衣之飢者食之二十一年人尤困餒公輸出私  
米兼賑官糧徙死得生百餘萬計勅使少保袁公深加  
器異當朝談獎狼暴出境鹿馴於邑廣開郵閘大創厥  
倉南填巨坑北防深水太原尹王公以殊政奏長史李  
榮河縣志

卷之十 藝文

植以異能上七年在任無風雨霜雹水旱蟲蝗之害長  
史李公又考其孤清耿介冰碧在懷乃居於高平山業  
與秘書監賀知章中書侍郎嚴挺之虞部郎中褚光爲  
塵外之交嚴稱云難進易退翺翔宇宙之間廓然不可  
得而見褚每云暗與道合神超造化賀之篇翰往來精  
密公每讀古史及閔時說有一仁一義一忠一孝者未  
嘗不慷慨涕泣絕薰腥救窮急傲然獨得情智耿然君  
子稱之飄飄雲霄之氣磊磊棟梁之骨方將出地絡以  
遐邁超天衢而高視十七鄉父老崔亮臣郭全璧等五  
百餘人式刊善政季鴿作頌傳於終古詞曰



我公兮肅英徽粹河汾穆崇闡我公兮深厥政稽邦典  
活人命我公兮豁虛受洞羣友垂大久

唐王勃冬日遊汾陰送韋少府序

游汾勝壤樓船高漢帝之詞卜浴名都城邑辨周公之  
跡仰天文而窺日月雖共光華憑地理而考山川卽殊  
南北韋少府玉山四照珠胎一色縱橫振鋒穎之才吐  
納積江湖之量子雲筆札擁鸞鳳於行閒孫楚文詞列  
宮商於調下牽絲一命披林野而隨班考績三年指蘭  
臺而赴選移征駕背長亭地隔風烟人離歲月學既同  
斟桂之歡岐路風塵卽斷驚蓬之思下官詩書拓落羽  
榮河縣志

卷之十 藝文

翩摧頽朝廷無立錐之地邱園有括囊之所山中事業  
暫到漁樵天下栖遲少留城闕忽逢萍水對雲雨以無  
聊倍切窮途撫形骸而何托於時冰霜裂地星象廻天  
朔風動而關塞寒明月下而樓臺曙各題一字傳之兩  
鄉云爾

唐楊炯祭汾陰公文  
維大唐光宅之六祀太歲甲申冬十有二月戊辰朔丁  
亥御辰楊炯以柔毛清酌之奠敢昭告於故中書令汾  
陰公之靈嗚呼哀哉惟公含純德而載誕兮稟元精而  
秀出備百行而立身兮半千年而委質屬天地之貞觀



兮逢聖人之得一若夔龍稷契之寅亮舜朝兮若蕭曹  
魏邴之謀猷漢室懸大名於宇宙兮立大勳於輔弼如  
何斯人而有斯疾曾未遐壽中年隕卒嗚呼哀哉若夫  
家傳寶鼎地闢金構文則屬詞而比事兮學則入索而  
九邱入則東藩之上相兮出則南面之諸侯惟盡善兮  
未善固雖休而勿休既知退而知進兮亦能剛而能柔  
大才則九功惟敘兮大智則萬物潛周崇德廣業兮樂  
天知命而不憂嗚呼哀哉門館虛兮寂寞歲窮陰兮搖  
落脩物儼兮如存光靈眇兮焉託垂總帷與祖帳兮罷  
歌臺與無閣天子惜其毗余兮羣臣思其可作嗚呼哀  
樂河縣志

卷之十 藝文

八

哉俯循兮弱齡叨襲兮簪纓公夕拜之時也臨首趾亦  
渠閣公春華之日也又陪遊於郡城參兩宮而承顧盼  
兮歷二紀而洽恩榮郭有道之青目兮蔡中郎之下迎  
俛焉今古非復生平無德不報兮願摩頂而至足有生  
必死兮空飲恨而吞聲天慘慘兮氣冥冥月窮紀兮日  
上丁藉白茅兮无咎和黍稷兮非馨嗚呼哀哉

唐楊炯汾陰公行狀

高祖德魏給事中黃門侍郎御史中尉散騎常侍直閣  
輔國二將軍齊州刺史贈車騎將軍儀同三司華州刺  
史諡曰簡懿曾祖孝通魏中書黃門二侍郎銀青光祿



大夫散騎常侍關西道大行臺右丞常山太守汾陰侯  
贈車騎將軍儀同三司齊鄭二州刺史祖道衡齊中書  
黃門二侍郎隋吏部內史二侍郎上開府儀同三司陵  
邛潘襄四州刺史襄州總管司隸大夫皇朝贈上開府  
臨河縣開國公父收皇朝上開府兼陝東道大行臺金  
部郎中天策上將軍府記室參軍文學館學士上柱國  
汾陰縣開國男贈定州刺史太常寺卿諡曰獻河東郡  
汾陰縣薛振年六十二字元超狀昔者唐堯之協和萬  
邦也有若四岳之敬順昊天歷象日月虞舜之慎徽五  
典也有若八元之忠肅恭懿宣慈惠和夏禹之分別九

榮河縣志

卷之十 藝文

九

州也有若咎繇之謨明弼諾允迪厥德殷湯之南征北  
怨也有若伊尹之格於皇天姬文之受命作周有若虢  
叔之聞於上帝自唐虞而列考及秦漢而無譏元首必  
藉於股肱方隆太平之化賢者必待於明主克致崇高  
之業若夫驂駕六龍驅馳七聖斟酌元氣財成天道者  
其惟聖人乎宏闡大猷發揮神化匡正八極阜成兆人  
其惟良宰乎我大唐之建國也粵若神堯明揚側陋文  
王叶於朕卜迎太公於渭水高宗求於朕夢得良弼於  
傅巖若歲大旱以爲霖雨若濟巨川以爲舟楫者也公  
含天地之間氣依日月之末光能備九德兼資百行探



曠索隱極深研幾髻亂之際羞言霸道詞賦之間已成  
王佐年六歲襲爵汾陰男十一太宗召見勅宏文館讀  
書十六爲神堯皇帝挽郎十九尚和靜縣主高宗升儲  
之日也勅公爲太子通事舍人二十二除太子舍人高  
宗踐位詔遷朝散大夫守給事中年二十六尋拜中書  
舍人宏文館學士三十二丁太夫人憂去職起爲黃門  
侍郎固辭不許脩東殿新書畢進爵爲侯公毀瘡過禮  
多不視事出爲饒州勅史上夢公徵爲右成務四十復  
爲東臺侍郎是歲也放李義府於邛笮舊制流人宗乘  
馬公爲之言左遷簡州勅史歲餘上官義伏誅坐翰墨  
榮河縣志

卷之十藝文

十

往來徙居越嵩五十三赦還拜正諫大夫五十四遷中  
書侍郎尋同中書門下三品兼檢太子左庶子五十九  
遷中書令車駕幸洛陽詔公兼戶部尚書與皇太子居  
守俄以風疾不視事高宗崩輿疾往神都抗表辭位至  
於再至於三詔加金紫光祿大夫仍聽致仕以光宅元  
年季冬旁死魄薨於洛陽里之私第嗚呼哀哉公地藉  
膏腴姻連戚里鼎湖長往拜卿子而爲郎金榜洞開徵  
列侯而尚主遂乃彈冠筮仕策名委贄叩天門於畫闕  
扳鳳翼於紫宸凡升右轄者一年居外轄者兩部四遷  
門下二入中書用能燮理我陰陽經緯我天地鹽梅我



寶鼎棟梁我宸極理百官而察萬人平邦國而和上下  
借如風后天老左右軒皇蕭何曹參謀猷漢室未有一  
心事君四十餘年參兩宮而出入歷三臺而陟降合其  
道也大壑縱其鯤鵬遇其時也名山出其雲雨功成輔  
弼德邁幾深星象不憊方踐中臺之位山川並徙竟遊  
東岱之魂天不憖遺民將安仰越翌日詔贈光祿大夫  
使持節都督秦成武滑四州諸軍事秦州勅史餘如故  
賜物四百段米粟四百石東園秘器凶事給儀仗至墓  
所往還司賓卿監護璽書弔祭別降中使賜歛衣一襲  
雜物百端又詔陪葬乾陵依故事也公襲封之年也受

榮河縣志

卷之十藝文

十一

左傳於同郡韓文汪至天王狩河陽乃廢書而嘆曰周  
朝豈無良相何得以臣召君文汪異焉神堯皇帝婕妤  
河東郡夫人公之姑也每侍高宗詞翰高宗常顧曰不  
見婕妤經數日便謂社稷不安其見重如此上幸溫泉  
射猛獸公奏書極諫上深納焉後因閒居謂公曰我昔  
在春宮與卿俱少壯光陰倏忽已三十年徃日忠臣良  
將索然俱盡我與卿白首相見卿歷觀書傳君臣共終  
白首者幾人我觀卿大憐我我亦記卿深公感噎稽首  
謝曰先臣早參麾蓋文帝委之以心膂臣又多幸天皇  
任之以股肱誓期殺身報國致一人於堯舜伏願天皇



遵黃老之術養生衛壽則天下幸甚賜金二百鎰公有  
事君之節也不亦忠乎每讀孝子忠臣傳未嘗不慷慨  
流泣以爲帝舜非孝子朱雲非忠臣客有議之者曰寧  
有揚君父之過而稱忠孝者哉大夫人薨公每哭嘔血  
杖而後起上見公柴毀泣曰朕遂不識卿卿事朕君父  
一致遂至於滅性可謂孝乎中書省有一盤石隋內史  
府君常踞而草詔及公揮翰躍鱗每見此石未嘗不泫  
然流涕公有立身之道不亦孝乎其年脩晉史筆削之  
美爲當時最孝敬崩詔公爲哀册上行幸九成宮勅皇  
太子赴行在所置酒別殿享王公以下時太子英王侍  
榮河縣志

卷之十藝文

十二

皇帝酒酒酣公獻壽曰天皇合易象乾將三男震坎艮  
今日是也上大悅百官舞蹈稱萬歲賜雜物百段銀鏤  
鍾一枚吐蕃不庭詔英王爲元帥總戎西討公賦西征  
詩一首上稱善嗟嘆者久之因代英王屬和御筆繕寫  
朝以爲榮公有屬詩之美也不亦文乎黃門侍郎日疏  
薦高智周任希古郭正一王義方顧徹孟利貞等後皆  
有重名歷登清貫及兼左庶子又表鄭祖元沈伯儀賀  
覲鄧元捷顏彊學崔融等十人爲學士天下服其知人  
公爲右成務獻封禪書及平夷策上深納焉或有抵罪  
者同類數百經赦令獄官評連年不決竟以死論公上



疏陳其濫詔百寮廷議獄官及諸宰臣未有所決公酬對如響衆咸服焉上嘆息曰幾令我殺無辜之人百寮莫不震懼又上疏陳請備塞垣未幾而匈奴背誕公有神通之鑒不亦明乎儀表魁傑鬢眉若畫身長七尺四寸望之儼然喜愠不形於色雖至於近習左右胥徒僕妾莫不待之以禮公有行己之方也不亦恭乎牧饒州六年以仁明馭下鄱陽北岡上忽生芝草一株郡人以爲善政所感共起一舍號曰芝亭因立碑頌德公有馭人之術也不亦惠乎在邛都十餘載沈研易象韋編三絕賦詩縱酒以樂當年有醉後集三卷行於世公有安

榮河縣志

卷之十藝文

十三

和之德也不亦康乎上初覽萬機公上疏論社稷安危君臣得失上大驚即日召見不覺膝之前席嘆曰覽卿疏若暗室而照天光臨明鏡而覩萬象此後寵遇日隆每軍國大事必參謀帷幄在中書獨掌機務者五年出納帝命口占數百上曰使卿常在中書一夔足矣大駕東巡詔公驂乘上曰朕之留卿若去一目若斷一臂關西事重一以委卿因賜物百段公有社稷之勲也不亦盛乎若夫有官功者賜其官族有大行者受其大名公叔列國之陪臣猶安社稷黔婁匹夫之介節不忘仁義古今以爲通訓書籍以爲美談况乎輔佐明君寧濟天



下生死無二始終若一業高於六相道貫於五臣其生也榮同心比於周召其死也哀陪塋均乎衛霍豈使易名之典不及於會同賜諡之文不傳於終古門生故吏願述德音博士禮官佇聞清議是則鍾繇之策降於皇魏之年王導之疏寢於中興之日垂拱元年四月四日故中書令汾陰公府功曹姓名謹狀文昌臺考功竊聞生爲貴臣車服昭其令德死而不朽諡號光其大名今謹按故府主中書令汾陰公贈秦州都督薛元超以王佐之才逢太平之運撫綏萬國康濟兆人力牧輔軒皇未爲盡善臯陶佐大禹猶有慙德名遂身退生榮死哀

榮河縣志

卷之十 藝文

十四

羽父之請魯君抑惟舊典衛侯之諡文子庶幾前型謹上

唐張說萬泉縣主薛神道碑

或稱達性命者齊死生之域忘憂怖者一脩短之數斯蓋無心之倫耳焉足與議於情哉何則雲虹滅彩詞人於是詠謔華秀從風君子爲之嘆息豈不以對仙麈之景懷變化而遺戀在昭蔡之節悼零落而偏憤吾見豆盧氏之子於其伉儷有焉縣主諱字姓薛氏河東汾陰人大父駙馬都尉奉宸將軍諱瓘尚陽城公主考駙馬都尉散騎常侍諱紹尚鎮國太平公主其在昔也夏有



居正先封周有薛侯爭長其在今也五宗姻於帝室重  
葉母於王姬河水經天上積星雲之氣霍山鎮地下多  
珠玉之林縣主幼而敏惠長而恂淑貞孝義烈之傳吉  
凶賓祭之儀一聞成誦絃綖紉組之制涪苧醞羞之品  
一見懸解至乃鶴迴清泛蠶聚崩雲月韻玖砧花穠綵  
樹婦人能事咸臻妙焉大聖天后鍊石補天有王母之  
神器分茅列地啟弄孫之美邑封由有禮義引而親天  
授三年四月內封萬泉縣主天愛下流日親上簡乘龍  
之舉和鳳爲難絡八紘以選門奄千官而求俊夫以龍  
圖帝寶祈步搖之華源虎戰侯門襲燕代之雄胄人之  
榮河縣志

卷之十藝文

五

信美帝用嘉焉以萬歲登封元年仲春旣望歸於豆盧  
氏六宮送行百寮供事迂以鑾輅遺以翟車環佩冕旒  
璆然在馭黼藻朱黛爛其盈門詔昏之禮於斯爲盛爾  
乃移其愛敬以事舅姑伸其友恭以諧公族舉宗洽比  
如鼓瑟琴每至婚姻會同少長咸集珩璜步節金翠耀  
首有婉孌之心無驕矜之色希盼睠者若遲日之泛漣  
漪瞻詞氣者猶光風之轉蘅薄加以引納懷和饋分周  
賑疎屬自附窮歸忘窘故蘭行彰信於閨門而惠風滿  
盈於邦國諒惟琬琰之性自美抑亦劬勞之訓致焉中  
宗孝和皇帝雲迴南土龍見東京二儀更闢九族還敘



望我兄兮公主贊陶鈞之力曰吾甥也縣主開井邑之  
賦神道元年春加實封三百戶縣主旣通濟門闌奉御  
又尙司殿省天子巡遊宮觀觴樂池臺我有周親無時  
不從主家外幸北齊后而聯恩子壻中參與趙王而均  
禮或醉飽踰度寒煥未平何嘗不御藥在門王人接路  
當時厚澤莫之尙也景龍四年二月以奉御出爲丹延  
二州刺史保傅下堂隨朱幡而同去輜駟入郡與皂蓋  
而齊飛辭宮闕兮歲闌戀庭闈兮日遠肥泉永嘆邪氣  
攻衷楚祝招而不來秦醫來而不及景雲元年八月二  
十一日傾逝於延州之解舍春秋二十有四美玉褫顏  
榮河縣志

卷之十 藝文

共

明珠晦色平陽舊宇遂無望於歸甯懷縣新文空流連  
於永逝有子三人西華南容東里等或亂或岐呱呱而  
泣天何以罰神其忍之冬十有二月五日歸葬於長安  
之洪瀆原窀穸營護有命加等器服祖遺率由舊章生  
之也榮葬之也禮若夫柔嘉好合善之元也肅雝降貴  
謙之道也山河其德容澤廣也熊羆其祥祚允大也總  
衆美於脩嬀落驕暉於小年此所以哀中之又哀也昔  
袁亡馬氏蔡筆斯奮鄭喪曹姬潘文亦作矧茲內範事  
華無媿祇望夫之石以表靈邱緝幼婦之辭將傳終古  
銘曰

薛之皇祖肖軒國禹相陰侯周氏其土宇英英白雲鬱  
彼河汾公門蕃衍銘鼎氛氲則仁則義則戚則勳餘慶  
介祉誕靈女士中宗之甥鎮國之子皎若霜雪華如桃  
李彝族爰叙堯封咸秩萬泉開賦三百其室守盛以儉  
居滿不溢亦既鳴雁宜爾家人謙恭下下撫納親親傾  
財致客對饁如賓我有邸第前臨黃道我有池塘卻望  
青草漢輦停暮秦簫吹早歲月易忘歡娛難保良人出  
守將命北徂與子偕往飲別東都望母腸絕辭家淚枯  
露萎莖草霜酸眾雛魂兮何歸京兆之野葬於何處杜  
陵之下巖巖雙關列列行檣勒是徽音永觀來者

榮河縣志

卷之十 藝文

七

唐韋建黔州刺史薛舒神道碑

名位所以寵賢爵祿所以馭貴德盛者慶遠源深者流  
長垂裕後昆啟迪前烈今見其人矣薛氏之先奚仲爲  
夏車正仲虺爲湯左相與滕爭長薛實先封佐漢登台  
因而祚土河東冠族代不乏賢五代祖道衡隋吏部侍  
郎內史侍郎隋文帝創造霸圖發揮綸翰變當時之文  
體高祖收皇朝行臺金部員外天策府學士我太祖之  
經綸王業專掌詔檄擅經國之詞宗凡所事業著於史  
傳曾祖元超皇朝戶部尙書中書令汾陰縣開國男丹  
青景化金玉王度許謨載於盟府故事留於臺閣祖毅



皇朝鄜州洛交縣令太子舍人父儒童皇朝京兆府醴泉縣丞贈梁州都督潛德養蒙晦明藏用位不克量道屈安卑武子之德在人太邱之世益茂府君諱舒字伸和醴泉府君之長子也元和誕靈純粹特秀覃討有異敏惠夙成聞詩禮之義方深仁明之正性讀書知王霸大體覽史慕名臣高節脫畧細務經濟遠圖銓衡賞擢年十九授華州司士參軍從累士也轉相州司法參軍又遷岐州司功參軍鄴郡舊都扶風左輔掾曹之選必先才地以儒學節吏以明察蒞官筮仕之初有令名再命而偃不忘循牆之恭三語故稱則聞趨府之譽堆案

榮河縣志

卷之十 藝文

六

之下析滯無虞天寶初寔于昇平典型攸敘旁求端士以授法官拜大理寺丞敬爾繇獄有郡吏抵犯議合惟輕台臣作威俾令從重伏念累日至於旬時苟有動搖必將頗類彰書厥狀實曰非辜初秉直而不移終忤權而獲罪貶青州司戶參軍君子曰守法不回正也移官無愠達也道不可屈身屈何傷無何受金州司馬遷彝州刺史舉淹滯擇廉平也至德初遷渝州刺史西通楚道北控漢中山鎮縉雲峽通明月歌來暮於巴俗願借留於梁境升課最矣君理行第一所居必聞冉季膺政事之科冀黃獲循良之首累遷巫溪三刺史兼少府監



殿中侍御史溪洞雜類則固已聞風素服小有底寧言語之所不通撫柔之化風靡寶應初皇上以四郊多壘五溪未安乃拜黔州刺史黔中經畧招討觀察處置鹽鐵選補等大理卿兼御史中丞黔州者禹貢荊州之域秦開武陵郡其啓土也大其貨殖也殷有廩君之土舟擅寡婦之丹穴惠化所感無思不服昆明夷者迺西絕域也開池習戰漢所未通遠聞德政琛書尤物來獻於重譯紫泥寶書屢榮於手詔尋加金紫光祿大夫御史大夫河東郡開國伯賞茂勲也十郡土氣百域異俗輕剽訾窳女宄矯虔示之以威信興之以禮讓華風變於

榮河縣志

卷之十

藝文

十九

夷裔膏雨浹於殊壤方將作鎮藩翰永爲長城天不憖遺人將安仰以大歷十年四月二十五日薨於溪州之公館春秋六十有八勤王事也魏闕將朝未展韓侯之覲荊州罷市深懷叔子之仁百蠻感動三軍兩泣惟君孝弟之性始於閨門忠義之誠聞於邦國少有大量幼而老成結綬勤王敬恭朝夕精誠可以應務明斷可以析疑每推是心以接於物魏其廡下金盞散人汜毓室中衣無常主而雅好文酒醉猶温克陶然忘機傲然自得儻來軒冕會不在懷此則山簡之疎曠莊周之道邈貴而不驕謙遜每推於僚友寬而能恕喜愠不見於家



人信大雅之保身中庸之蹈道况乎負才器以身許國  
剖郡符簡易成風政行於南國者一紀領藩職者十年  
凡所條奏上簡聖心汝實專征常受元戎之鉞我惟共  
理兼榮副相之印克國之功宣北地伏波之式是南邦  
遺愛去思古今一揆君外祖故中書令道遥公韋嗣立  
先朝碩德叔父故陳留郡太守河南採訪使奇童當代  
名賢季弟前吏部侍郎今宣化刺史宣歙等州觀察使  
邕朝之俊茂隋朝至今掌綸翰者四葉天寶之後膺方  
面者三人中外相門奕代文學閎闊之大莫之與京夫  
人京兆韋氏故工部尚書東都留守虛心之次女婉淑

榮河縣志

卷之十藝文

二十

之德早映圖史柔明之姿動成師範方保榮於韓樂奄  
追悼於潘詩以永泰二年三月歿逝巫州官舍追贈扶  
風郡夫人從夫貴也長子舉鄉貢明經安親次子左金  
吾兵曹安國早遵成訓皆成器業才行之美孝友彰聞  
矢志不時相次淪天三子永王府參軍安郡署稚之歲  
執親之喪致毀而終人踰所痛卜云其吉列兆先塋不  
忘孝也第二女故梓州射洪縣令杜滔妻至孝純深提  
攜孤幼江山險阻扶護言歸誠孝所通龜筮協吉喪事  
不敢不勉備物必誠必信聖恩霽悼贈禮部尚書贈物  
三百疋仍令中使監護弔祭儀仗禮優常等飾忠之典



廻日月於佳城詔塋之儀濡雨露於泉隧以大歷十一年七月二十日合祔於萬年縣棲鳳原禮也季子太常寺奉禮郎遵誠協律郎遵誨太祝遵訓等七人童丱而孤孺慕罔極松楸已拱地邇先君棣萼前彫塋連愛子封之若斧尚行夫子之規坎不及泉自合延陵之禮余忝內弟早荷周旋傳盛德而備詳叙高行而無愧詞曰汾水源長條山連岡鼎氣發祥大族其昌車正仕夏鈞衡佐湯顛君法令內史文章德厚慶遠才優道彰中書政本綸命傳芳時稱茂緒代濟業祉學小申韓藝通典史邦有良翰朝推端士析滯列曹申寃大理三黜無愠榮河縣志

卷之十藝文

二十一

九遷茲始州縣暫勞雲霄則邇西南重鎮實倚長城夷落風變蠻陬化行駐車決遣攬轡澄清赤舄命服朱輪錯衡霜飛憲簡露濕戎旌絕域輸欵殊方獻誠牙璋旣備介圭方覲仁則宜壽天胡不憖迢遞江山悲涼旅櫬震悼宸宸哀痛藩鎮詔使護喪同盟執引哀哀孝子煢煢孤允銘德叙功德庶乎傳信

唐穆宗授薛存誠御史中丞制

勅庶官之政得人則舉况中丞執憲準繩之司所以提振紀綱端肅內外蓋一職修者其斯任之謂歟給事中薛存誠選自郎署列於左曹居必靜專言皆讜正章疏



駁議多所忠益可以執憲立於朝端况副相方缺臺綱  
是領糾正百官爾得專之夫直而不絞威而不猛不附  
上以急下不犯弱以違彊率是而行號爲稱職敬服斯  
命往其懋哉可御史中丞餘如故

唐喬潭雙漢泉賦

呀厚地而濫漏者有河東之漢泉圻陰開竇沃日浮天  
初汨沒圓衡拂高山於尋祇之下復逶迤遠注散餘波  
於馮夷之川爲神龍窟宅之土而著美爲陰陽蓄泄之  
所而通元將海日泓沚而照此豈坤儀挺拔以贖焉來  
何所自去何所止始開雙漢發揮於汾魏之郊竟助洪

榮河縣志

卷之十 藝文

二十一

流歸潮於渤澥之水借如月色初升晴空下凝繁星映  
而珠滿新月入而澄鈎泊乎風駭霧勃煙湧雲蒸則有  
鬼神倏閃以恍惚蛟螭鼓怒以噴騰異物之與詭怪孰  
可得而備徵意以爲潛虛洞決脈流派別雖一河有隔  
終陰隙以相連故數眼分開涵碧虛而共潔是以百尺  
澄兮四空晶珠胎明兮沙岸皎洗拂煙埃蕩漾魚鳥亦  
涼生朱夏氣暖元冬守謙下以含道順畝畝以利農道  
則以物爲賓水則假利於春人有情於利水水無意以  
求人人之自僞我豈非直故至人以水爲德以心爲鏡  
鏡雖明不利於人水至平不潛乎性故漢之爲澤也廣



漢之爲鑿也靜若壅而閉則澤不能及物混而濁則鑿不能自正故選士者象清漢以含虛懷才者但明心而求映苟能酌憲於茲泉則可以相鹽梅而翼聖

唐呂溫榮光冪河賦

麗乎天者曰漢紀乎地者惟河居上善以利物順朝宗而致和時否則爲災而獨昏墊運至則呈瑞以叶謳歌豈徒列四瀆以居貴與百川而隨波者乎當其布德惟新儲慶茲始濁色旣變榮光乃起乍若燭龍噴焰上騰鍾嶺之雲又似陽鳥廻翔下落咸池之水增華一代振曜千祀信能陵宴海而比崇茂浴日而專美時則纖埃

榮河縣志

卷之十藝文

二十三

不驚和風充盈大野初霽圓靈始清皎且潔兮孤明不雜煥其炳兮五色斯呈祥烟歛彩瑞日韜晶掩輕雲而旁屬拂薰風而上征百辟具瞻孰云其相照一人乃眷自合於皇明庶品昭蘇衆幽光被大哉有國之慶赫矣爲君之瑞臙臙元黃熠爚丹翠洞鑿龍宮之人朗見馬圖之字浩浩滂洋致美化於陶唐復效靈於我皇先後叶德今古和光比屋觀其自化遐荒望以來王詎比流景集壇獨作郊天之應赤光照室空稱誕帝之祥而已哉客有目觀榮河心傾聖日儻餘光而見及庶幽谷之

可出



